

Protocol no. 47
Sezzüda da lündeschdi, 1. favrer 2010, 20.00 – 23.00

Preschaints: Jon Carl Rauch; Chasper Alexander Felix, Marianne Werro-Lehmann, Jachen Andri Schmidt e Rico Zini (protocol)

S-chüsà: Georg Salomon

Protocol

Il protocol no. 46 da la sezzüda dals 25 schner 2010 vain approvà.

387 790 PLANISAZIUN DAL TERRITORI
Concretisaziun da la zona da planisaziun

Il Cussagl cumünal repassa artichel per artichel da la nouva versiun da la ledscha **Promoziun dad abitaziuns principalas e direcziun da la fabrica da seguondas abitaziuns**. Las müdadas essenzialas sun chi's prevezza da fixar la quota da prümas abitaziuns sün 33 % e d'inchaschar üna taxa directiva da fr. 300.-- per m2 BGF. Implü es la ledscha gnüda per part simplifichada.

Quist sböz es per intant decisiv per güdichar sch'ün proget da fabrica correspuonda a la planisaziun nouva e po perquai gnir permiss malgrà la zona da planisaziun. Üna dumonda da fabrica, chi sta in cuntradicziun cun la planisaziun previssa, vain suottamissa i'l cas singul a la zona da planisaziun, q.v.d. la dumonda vain sistida fin cha'l dret futur aintra definitivamaing in vigur. Per motivs da la proporziunalità vain concess a las personas chi fan üna dumonda da fabrica eir da quinderinavant la pussibilità da's suottametter intant voluntariamaing a la regulaziun planisada da la quota d'abitaziuns principalas ed a la taxa directiva e dad evitar uschè da gnir suottamiss a la zona da planisaziun. l'l permiss da fabrica vain in quist cas decretà a regard la quota d'abitaziuns principalas ün oblig da sgürezza correspondent e la taxa directiva esa da pajar avant il cumanzamaint da fabrica. Scha la regulaziun legala definitiva nu prevezza ingünas o regulaziuns main extaisas, vegnan ils obligs correspondentes adattats resp. la taxa directiva pajada restituida dal tuot o per part (sainza fit).

Il Cussagl cumünal decida da far bun la versiun dals 1. favrer 2010 e da publicar la concretisaziun da la zona da planisaziun. La documainta vain tramissa al Uffizi per il svilup dal territori per far la preexaminaziun. Davo quella segua üna radunanza d'infuormaziun e plü tard la consultaziun. Als 13 gün 2010 as prevezza da far la votumaziun a l'urna.

389 020 ADMINISTRAZIUN CUMÜNALA
Mas-chalch

Nouv vain il Mas-chalch portà oura da la Posta pür 6 dis davu til avair tramiss. Quista situaziun nu cuntainta, bleras robas aintran pür l'ultim mumaint. Il Cussagl cumünal as dumonda schi nu's pudess metter aint üna persuna chi portess oura il Mas-chalch (oters cumüns han fingià fat quist müdamaint).

390 790

PLANISAZIUN DAL TERRITORI

Deponias regiunalas

Il schef da la chava orientescha sur da la sezzüda culla PEB a regard deponias regiunalas. Sülla dumonda d'ingrondir la chava da Parnarsura vers süd decida il Cussagl cumünal da na inchaminar quella via pel mumaint. Fingjà l'on passà vaiva il Chantun güdichà e decis ch'in quel lö nu's das-cha gnanca depositar material ad interim.

391

Diversas schefs

Finischiun da la pista dal sömni

Il Cussagl cumünal vaiva decis illa sezzüda dals 12 october 2009 da provar, da muossar via sün duos variantas da la finischiun da la pista, chi pudessan exister parallel. Per eruir scha la masüra maina il nüz spettà, as prouva da ramassar las opiniuns dals turists cun ün fögl da retschercha.

L'actuar: